

**Қазақстан Республикасы Энергетика, индустрия және сауда министрлігінің Мемлекеттік сатып алу жөніндегі департаменті туралы ережені бекіту туралы**

*Күшін жойған*

Қазақстан Республикасы Үкіметінің Қаулысы 1998 жылғы 16 қыркүйектегі N 903 . Күші жойылды - ҚР Үкіметінің 1999.01.19. N 35 қаулысымен.

"Қазақстан Республикасында мемлекеттік басқаруды одан әрі жетілдіру туралы" Қазақстан Республикасы Президентінің 1998 жылғы 21 мамырдағы N 3958 Жарлығына сәйкес Қазақстан Республикасының Үкіметі қаулы етеді:

**1. Қоса беріліп отырған:**

Қазақстан Республикасы Энергетика, индустрия және сауда министрлігінің Мемлекеттік сатып алу жөніндегі департаменті туралы ереже:

Қазақстан Республикасы Энергетика, индустрия және сауда министрлігінің Мемлекеттік сатып алу жөніндегі департаментінің құрылымы бекітілсін.

2. "Қазақстан Республикасы Қаржы министрлігінің Мемлекеттік сатып алу жөніндегі департаменті туралы ережені бекіту туралы" Қазақстан Республикасы Үкіметінің 1997 жылғы 18 желтоқсандағы N 1783 қаулысының (Қазақстан Республикасының ПҰАЖ-ы, 1997 ж., N 55, 501-құжат) күші жойылған деп танылсын.

*Қазақстан Республикасының*

*Премьер-Министрі*

Қазақстан Республикасы

Үкіметінің

1998 жылғы 16 қыркүйектегі

N 903 қаулысымен

бекітілген

**Қазақстан Республикасы Энергетика, индустрия және сауда министрлігінің Мемлекеттік сатып алу жөніндегі департаменті туралы**

**ЕРЕЖЕ**

**Миссиясы**

Қазақстан Республикасының республикалық және жергілікті бюджеттерінің, сондай-ақ бюджеттен тыс қорлардың қаражаттары есебінен жүзеге асырылатын тауарларды, жұмыстарды және қызмет көрсетулерді мемлекеттік сатып алу процесін реттеу.

**1. Жалпы ережелер**

1. Осы Ереже Қазақстан Республикасы Энергетика, индустрия және сауда министрлігінің Мемлекеттік сатып алу жөніндегі департаментінің (бұдан әрі - Департамент) құқықтық негіздерін, қызметін ұйымдастыру принциптерін, жүйесін және өкілеттіктерін айқындайды.

2. Департамент өз қызметін республикалық және жергілікті бюджеттердің қаражаттары, сондай-ақ бюджеттен тыс қорлардың қаражаттары есебінен тауарларды, жұмыстарды және қызмет көрсетулерді мемлекеттік сатып алуды салааралық үйлестіру мақсатында жүзеге асыратын, мемлекеттік сатып алу процесін реттеу жөніндегі уәкілетті мемлекеттік орган болып табылады.

3. Департамент өз қызметінде Қазақстан Республикасының Конституциясын, Қазақстан Республикасының заңдарын, Қазақстан Республикасының Президенті мен Үкіметінің актілерін, өзге де нормативтік құқықтық актілерді, Қазақстан Республикасы бекіткен халықаралық шарттарды, Қазақстан Республикасының Энергетика, индустрия және сауда министрлігі туралы ережені, сондай-ақ осы Ережені басшылыққа алады.

4. Департамент заңды тұлға болып табылады, оның банкте шоттары, Қазақстан Республикасының Мемлекеттік елтаңбасы бейнеленген, мемлекеттік және орыс тілдерінде өз атауы жазылған мөрі мен бланкілері болады.

5. Департаментті ұстауға арналған шығыстарды қаржыландыру республикалық бюджетте Қазақстан Республикасының Энергетика, индустрия және сауда министрлігін ұстауға көзделген қаржының есебінен жүзеге асырылады.

## **2. Басымдығы**

6. Мемлекеттік сатып алу туралы Қазақстан Республикасының заңдарына сәйкес тауарларды, жұмыстарды және қызмет көрсетулерді сатып алуға бағытталған республикалық және жергілікті бюджеттердің, сондай-ақ бюджеттен тыс қорлардың қаражаттарының ұтымды жұмсалуды қамтамасыз ету.

## **3. Негізгі міндеттері**

7. Департаменттің негізгі міндеттері мыналар болып табылады: министрліктер, мемлекеттік комитеттер, өзге де мемлекеттік органдар, ұйымдар, жергілікті атқарушы органдар және бюджеттен тыс қорлар жүргізетін мемлекеттік сатып алу процестерін үйлестіру және оларға бақылау жасау; мемлекеттік сатып алу процестерін реттейтін нормативтік құқықтық базаны қалыптастыру.

## **4. Функциялары**

8. Алға қойған міндеттерді жүзеге асыру үшін Департамент мынадай функцияларды жүзеге асырады:

бекітілген республикалық және жергілікті бюджеттер және бюджеттен тыс қорлар сметалары көрсеткіштерінің негізінде сатып алынатын тауарлардың,

жұмыстардың және қызмет көрсетулердің номенклатуралары мен көлемдерін қ а л ы п т а с т ы р у ғ а қ а т ы с у ;

номенклатурасын Қазақстан Республикасы Энергетика, индустрия және сауда министрлігінің ұсынуы бойынша Қазақстан Республикасының Үкіметі жыл сайын бекітіп отыратын тауарларды, жұмыстарды және қызмет көрсетулерді сатып алу жөнінде конкурстар ұйымдастыру;

тізбесін Қазақстан Республикасы Энергетика, индустрия және сауда министрлігінің ұсынуы бойынша Қазақстан Республикасының Үкіметі жыл сайын бекітіп отыратын тапсырыс берушілерге арналған конкурстарды ұ й ы м д а с т ы р у ;

министрліктер, мемлекеттік комитеттер, Қазақстан Республикасының басқа да мемлекеттік органдары, ұйымдар, бюджеттен тыс қорлар өткізетін республикалық және жергілікті бюджеттердің, сондай-ақ бюджеттен тыс қорлардың қаражаттары есебінен тауарларды сатып алуға, жұмыстарды орындауға, қызметтер көрсетуге арналған конкурстарға қатысу;

мемлекеттік сыртқы заемдар мен гранттардың қаражаттарына тауарларды, жұмыстарды және қызмет көрсетулерді сатып алу бойынша конкурстар ( тендерлер ) ө т к і з у г е қ а т ы с у ;

мемлекеттік сатып алуды үйлестіреді және оған бақылау жасайды; мемлекеттік сатып алу процестерін реттейтін нормативтік құқықтық актілердің жобаларын әзірлеу және әдістемелік материалдарды әзірлеу мен б е к і т у ;

тапсырыс берушілерге мемлекеттік сатып алуды жүргізу мәселелері бойынша әдістемелік және ұйымдастырушылық көмек көрсету;

Департаменттің қарамағанда қалған конкурстық өтінімдерді қамтамасыз етуді Қазақстан Республикасының "Мемлекеттік сатып алу туралы" Заңының 14-бабына сәйкес жүмсайды.

## **5. Құқықтары**

9. Алға қойған міндеттерді шешу және функцияларды жүзеге асыру үшін д е п а р т а м е н т :

мемлекеттік сатып алуды, оның ішінде мемлекеттік сыртқы заемдар мен гранттардың қаражаттары есебінен жүзеге асыратын мемлекеттік органдар мен ұйымдардан заңдарда белгіленген тәртіппен ақпарат сұратуға және алуға;

өз құзыретінің шегінде мемлекеттік сатып алуды ұйымдастыру мен жүргізу мәселелері бойынша мемлекеттік органдар мен ұйымдардың орындауы үшін міндетті шешімдерді қолданылып жүрген заңдарға сәйкес қабылдауға;

тапсырысшылардың мемлекеттік сатып алуды ұйымдастыру мен жүргізу жөніндегі конкурстық комиссияларының жұмысына қатысуға;

мемлекеттік сатып алудың ұйымдастырылуы мен жүргізілуіне бақылау

ж а с а у ғ а ;

сараптамалар мен консультациялар өткізу, конкурстық комиссияларға қатысу үшін мемлекеттік басқарудың орталық және жергілікті органдарының мамандарын ақысыз негізде, ал мемлекеттік қызметшілер болып саналмайтын мамандарды ақылы негізде Қазақстан Республикасының заңдарында белгіленген т ә р т і п п е н т а р т у ғ а ;

өз құзыретінің шегінде шет мемлекеттердің ұйымдарымен және халықаралық ұйымдармен ынтымақтастықта болуға құқылы.

## **6. Міндеттері**

10. Өзінің қызметінде Департамент мынадай міндеттерді орындайды: Қазақстан Республикасының мемлекеттік сатып алу саласындағы заңдарының орындалуын қамтамасыз етеді; мемлекеттік сатып алудың жүзеге асырылуына талдау жасайды; мемлекеттік сатып алуды жоспарлауды, ұйымдастыруды және жүргізуді жетілдіру жөніндегі шараларды әзірлейді және іске асырады.

## **7. Жауапкершілігі**

11. Өзінің қызметін жүзеге асыру кезінде Департамент: Қазақстан Республикасы Үкіметінің мемлекеттік сатып алу саласындағы стратегиялық жоспарының іске асырылуына: мемлекеттік сатып алу жүйесінің жай-күйі туралы ақпараттардың сенімділігі үшін ;

Қазақстан Республикасының мемлекеттік сатып алу саласындағы заңдарының орындалуына жауап береді.

## **8. Департаменттің қызметін ұйымдастыру**

12. Департаментті Қазақстан Республикасының Энергетика, индустрия және сауда министрінің ұсынуы бойынша Қазақстан Республикасының Үкіметі қызметке тағайындайтын және қызметтен босататын Директор басқарады.

Директордың оның ұсынуы бойынша Қазақстан Республикасының Энергетика, индустрия және сауда министрі қызметке тағайындайтын және қызметтен босататын орынбасары болады.

Департамент директорының орынбасары Департамент директоры болмаған жағдайда оның міндетін атқарады.

13. Департамент директоры Департамент жұмысын ұйымдастырады және оған басшылық жасайды, Департаментке жүктелген міндеттердің орындалуы және оның функцияларының жүзеге асырылуы үшін жеке жауап береді.

Осы мақсатта Департамент директоры:

Департаменттің құрылымдық бөлімшелері басшыларының міндеттері мен жауапкершілік дәрежесін белгілейді;

Департаменттің қызметкерлерін қызметке тағайындайды және қызметтен босатады, сондай-ақ оларға тәртіптік жаза қолданады; өз құзыретінің шегінде бұйрықтар шығарады; өз құзыретінің шегінде және қолданылып жүрген заңдарға сәйкес мемлекеттік органдар мен ұйымдарда Департаментті білдіреді; өз құзыретіне жататын басқа да мәселелер бойынша шешімдер қабылдайды.

14. Департаменттің штат санын Қазақстан Республикасының Энергетика, индустрия және сауда министрлігі белгілейді.

15. Департаменттің қызметін оның бөлімшелері және Қазақстан Республикасының Энергетика, индустрия және сауда министрлігінің жалпы мақсаттағы қызметтері қамтамасыз етеді.

#### **9. Департаментті тарату және қайта ұйымдастыру**

16. Департаментті тарату және қайта ұйымдастыру заңдарда белгіленген тәртіппен жүргізіледі.

Қазақстан Республикасы

Үкіметінің

1998 жылғы 16 қыркүйектегі

№ 903 қаулысымен

бекітілген

**Қазақстан Республикасының Энергетика, индустрия және сауда министрлігі Мемлекеттік сатып алу жөніндегі департаментінің ҚҰРЫЛЫМЫ**

Мемлекеттік сатып алудың әдістемесі мен мониторингі басқармасы  
Мемлекеттік сатып алуды ұйымдастыру басқармасы